

Ukiuni kingullerni politikikkut oqallinnermi, nunarsuarmi aatsitassat qaqutigoortut Kalaallit Nunaanni kiviorarnikut (REE) piarnerisigut ineriartortitsisoqassanersoq aaliagiunneqarnissaa oqallisaasuni initunersat ilagivaat. Iluaqutissartaalu ikigisassaangillat: Qallunaat Nunaannit bloktilskud isumalluutaajunnaarnissaa, Namminersornerulernissaq, nunanut kippasissunut suleqateqarnissamut pilersaarusiorsinnaaneq il.il. Taamaakkaluartoq akornutissartaqanngitsuunngilaq, nunatarmi narsaamaneq naggorrisoq eqqungaannitsoorunnangimmat inooriaaserlu akornuserneqanngitsoorunnarnani, nerisassaqarneq qularnarsissalluni, peqqinnissaqarfillu artukkeqqareeqisoq tikisitanik aammattaq qillerinermi mingutsitsinerup kinguneranik nappaalunnermik naatsorsuutaanngitsunik artukkerneqaqqeriataannaalluni. Kalaallilli allannguutissat taakkartukkat qanoq isummerfigivaat? Tusarniaasoqaraangallu isummersuutaat aaliangiinissamut ilaatinneqartarpat?

Ornigullunga suliaqarninni paasiniarpara aalajangiisussanit suliap ingerlannerani innuttaasut isumaat akuutinneqartarnersut. Paasiniarusukkakku piviusunngortisiniarnermi suna periuserineqarnersoq. Suut inatsisaappat? Atuutsinneqarpat? Sunniuteqarluartuuppat? Naatsumik: Tusarniaanerni Kalaallit isummertarnertik tusaaneqartutut misigisarpat?

Pandemi peqquttaalluni Island ukiuni marlussunni qimannikuunnginnakku Kalaallit Nunaat tikitassara takorlooruminaatseqqaarpara. Tikilluaqqusaassanerpunga? Immaqaluunniit paasisassarsiortutulli allatut Inuit Nunaanni nualluummik tuniluutsitsisussatut isigineqaannassanerlunga? Kisiannili kialaartumik tikilluaqqusinerat saaffigiuminarnerallu nuannersumik tupaallatsippaanga. Iluatsitsinerinnarmillu Nuuk Nordic Festival angumeralungu tikillunga. Taamani timitalerlugu takuara nunasiaataaneq eqqumiitsuliornikkut qanoq saqqummiunneqarsinnaanera. Assersuutigalungu, qanoq saqqummersitseriaaserput kultur-erpullu namminermini nunasiaataanerusoq.

Qaammaassaqarnarlunilu pissarsiaqarnarpoq, politik inatsisiliornittaaq eqqartortillugit eqqaamasassarsinarluni. Inatsisartunuttaaq qaaqqusaavunga. Kalaallit isummersuutaat arlallit tusarpakka, paasisinnaallungillu. Ineriartortitsinermut suliniutissani akuersaarnissap paasinissaanut atorpakka.

Paasisannili pingaarnarpaavoq Kalaallit nunani assigiinngitsuniit pitsaassuseq imminnut qanoq naleqqussarluartigisarneraat, kultur nunaminnillu immikkuullarisumut ujartuillaqqitsiginerat. Nunat allat misilittagaat najungaartullu ilisimasaat atorlunikkut, Kalaallit kiffaanngissuseqartumik aamma paasinnilluni akuersineq ammasumik

periuseqarnissaq piareersarpaat. Taamaakkaluartoq, ineriartortitsinerup sukkassusaa, aningaasaqarnikkut ileqqutoqqanilu naleqartitat eqqarsaatigilluarneqarnissaat assigiinngitsunik isummerfigineqarput.

Angalaninni paasivara attaveqaqatigiinneq qitiusoq, tamannalu Kalaallit Nunaanni atungaalluartoq. Avataaniit malinnaasuulluni isumaqarnarsinnaasarpoq qillerinerit aallartisaqallunniarneqapalluttut, najungaqartut isumaat apeqqutaatinnangu. Kisiannili oqartussat eqqortumik iliornissaq ujartorpaat. Kalaallit Nunaammi nunat allat tusagassiisarnerisigut namminersulivinnissaq kisiat eqqartorneqartutut saqqummiunneqartarmat. Kalaallit Nunaatali nunap pigisaanik akisussaasumik aqutsinermut nunarsuup sinnera isumasiorfigisinnaavaat.

—

Nittartagarput takuuk

—

Nutserisoq: René Sivertsen